

Mensahe 11

**Naghulagway si David ug si Abigail
sa Nakig-awayng Cristo ug sa Nakig-awayng Iglesia**

Basahong Kasulatan: 1 Sam. 25:2-42; Efe. 5:25-27; 6:10-13;
Bug. 19:7-9, 11-21; Heb. 6:19; 10:19-20; 13:13

- I. Rekord ang 1 Samuel 25:1-44 sa pagtagad ni David ni Nabal ug ni Abigail:**
- A. Ning capituloha makita nato ang kaalam ni Abigail sa paghupay niya ni David—vv. 23-31.
 - B. Nitubag si David sa hangyo ni Abigail pinaagi sa pagdayeg kang Jehova, nga nagpadala ni Abigail aron mosugat niya, ug sa pagdayeg sab kang Abigail, nga nagpugong niya sa pag-ula og dugo ug sa pagpanimalos sa iyang kaugalingon pinaagi sa kaugalingon niyang kamot—vv. 32:35.
 - C. Nadani si David sa katahom ug kaalam ni Abigail, ug sa namatay na si Nabal gipangasawa niya siya, ug nahimo siyang kapikas niya sa pagpakig-away—vv. 36-44.
- II. Naghulagway si David sa nakig-awayng Cristo taliwala sa mga pag-antos—v. 28:**
- A. Naghulagway si David ni Ginoong Jesus ingon nga tawo sa pag-antos Niya dinhi sa yuta sa wala pa Siya mabanhaw; ang pag-antos ni David aron man madaog ang nangilog nga mga kaaway ug mabatonan ang maayong yuta, ang luna alang sa pagtukod sa Dios—Sal. 69:1-9.
 - B. Makita ang paglig-on sa Dios ni David sa sigeng pagdaog niya batok sa mga Filistehanon; busa, hulagway siya sa mag-aawayng Cristo—2 Sam. 5:17-25.
 - C. Kay si Jehova man ang Mag-aaway nga nakig-away alang nato ug nidaog sa tanan natong kaaway, Siya ang atong kadaogan—Exo. 17:8-16.
 - D. Gipadayag sa Salmo 110:5-6 nga gawas nga Hari ug Sacerdote, Mag-aaway sab si Cristo:
 - 1. Sa adlaw sa Iyang kasuko sa pagbalik Niya, si Cristo ang labing bantogang Mananaog, nga modaog sa tanang nasod, mobungkag sa mga hari ug sa pangulo sa mga kaaway, ug mopatuman sa paghukom sa tanang nisupak Niya—vv. 1-2, 5-6.
 - 2. Matod pa sa Bugna 19:11-14, sa pagbalik ni Cristo Siya ang Mag-aaway:
 - a. Dili mag-inusarang makig-away ang Ginoo batok ni Anticristo ug sa mga kasundalohan sa kanasoran.
 - b. Moanhi si Cristo uban sa Iyang pangasaw-onon nga Iyang kasundalohan, ug uban niya makig-away Siya ni Anticristo ug sa iyang mga kasundalohan—vv. 7-9.
 - E. Ang Mag-aaway nga Cristo mao ang madaogong Cristo—Juan 12:31; Efe. 4:8; Heb. 2:14:
 - 1. Sa yutan-ong pagpangalagad Niya gipildi sa madaogong Cristo ang yawa ug gilaglag ang iyang mga buhat—Mat. 4:1-11; 1 Juan 3:8.
 - 2. Sa pagkalansang Niya sa krus gitambog sa madaogong Cristo ang magbubuot ning kalibotana, gilaglag ang yawa, gihuboan ang mga magbubuot ug mga pagbulot-an, ug giwala ang kamatayon—Juan 12:31; Mat. 27:51; Heb. 2:14; Col. 2:15; 2 Tim. 1:10.
 - 3. Gipahayag sa pagkabanhaw sa madaogong Cristo nga madaogon Siya batok sa kamatayon—2:8.

Mensahe 11 (sumpay)

4. Sa pagkayab Niya “gipamihag [sa madaogong Cristo] kadtong nangabihag”; gibuhian ta Niya gikan sa nangilog nga kamot ni Satanas ug gidala ta sa kinahabogang dapit sa uniberso—Efe. 2:6; 4:8.
5. Moabot ang madaogong Cristo ingog nakig-awayng Heneral, ang Mag-aaway, uban sa Iyang kasundalohan aron makig-away ni Anticristo, sa mga hari nga sakop niya, ug sa mga kasundalohan nila didto sa Armagedon—Bug. 19:11-21.

III. Naghulagway si Abigail sa nakig-awayng iglesia taliwala sa mga pag-antos—1 Sam. 25:2-42:

- A. Sugod sa 1 Samuel 25, kanunayng naa si Abigail sa kiliran ni David nga mag-aaway ug nisunod niya sa tanan niyang gubat—vv. 40-42:
 1. Ang pagpakigminyo ni Abigail ni David naghulagway sa iglesia nga nagpa-lista ingog kasundalohan aron makig-away—Efe. 6:10-20.
 2. Naghulagway si Abigail sa nakig-awayng iglesia, nga nakig-away alang sa gingharian sa Dios taliwala sa mga pag-antos—Bug. 1:9; 11:15; 12:10.
- B. Nagpakita ang hulagway ni Abigail sa panginahanglan nato nga mausa ni Cristo sa Iyang mga pag-antos—Fil. 3:10; Col. 1:24; Bug. 1:9:
 1. Duha ka kategoriya ang kasakitan ni Cristo: kadtong alang sa paghuman sa katubsanan, nga gikompleto ni Cristo mismo, ug kadtong alang sa pagpahimugso ug pagtukod sa iglesia, nga hulipanan gyod sa mga apostol ug sa mga magtutuo—Col. 1:24.
 2. Kay gihisgotan man ni Pablo ang kasakitan ni Cristo kalabot sa pagkapiniyalan sa Dios, nagpakita kini nga matuman lang ang pagkapiniyalan pinaagi sa pag-antos—v. 25.
 - a. Kon nagtinguha ta nga moambit sa pagkapiniyalan sa Dios, mangandam gyod ta nga moantos—Bug. 1:9; 2 Cor. 1:3-6.
 - b. Tanang niapil sa pag-alagad sa iglesia o sa ministri mangandam gyod nga moambit sa kasakitan sa piniyalan; nagpasabot kini nga andam gyod tang mobayad sa bisan unsang bili nga gikinahanglan aron matuman ang atong pagkapiniyalan—4:10-12; Juan 12:24-26.
- C. Ang hulagway ni Abigail nagpakita sa pag-apil sa iglesia ni Ginoong Jesus sa espirituhanong pakiggubat—Efe. 6:10-20:
 1. Gipadayag sa Efeso 5:25-27 ang iglesia nga kapikas ni Cristo, ang Iyang pangasaw-onon, ug nahimong mag-aaway kining kapikasa sa Efeso 6:10-13:
 - a. Matuman sa Bugna 19 ang Efeso 5 ug 6.
 - b. Ang kinatibuk-an sa mga mananaog mahimong pangasaw-onon nga makapikas ni Cristo (vv. 7-9), ug mahimo kining kasundalohan ni Cristo nga mopildi ni Anticristo sa Armagedon (vv. 11-21).
 2. Dili lang nga tumanon gyod ang walay kataposang tuyo sa Dios ug tagbawon ang tinguha sa Iyang kasingkasing, kondili pildihon sab gyod ang kaaway sa Dios; alang niini, kinahanglan mag-aaway gyod ang iglesia—Efe. 1:11; 3:9-11; 6:10-12.
 3. Gikinahanglan ang espirituhanong pakiggubat kay nakigbatok man ang kabubut-on ni Satanas sa kabubut-on sa Dios—Mat. 6:10; 7:21; Isa. 14:12-14:
 - a. Ang panagsumpaki sa kabubut-on sa Dios ug sa kabubut-on ni Satanas maoy gigikanan sa espirituhanong gubat.
 - b. Isip iglesia, makig-away ta aron mabuntog ang kabubut-on ni Satanas ug mapildi ang kaaway sa Dios—Bug. 12:11.

Mensahe 11 (sumpay)

4. Malisang si Satanas sa iglesia nga Lawas ni Cristo, nga hiniusang mag-aa-way nga makig-away niya ug sa iyang gingharian—A. A. 6:10; Efe. 6:10-20.
5. Makigminyo si Cristo sa nakig-away sa gubat batok sa kaaway sa Dios sa daghang tuig—Bug. 19:7-9, 11-16.
6. Nakig-away sa tanang kaaway sa Dios ang mga mananaog nga naumol nga pangasaw-onon ni Cristo ug gipildi nila kini aron ipadangat ang gingharian sa Dios—2:7, 11, 17, 26; 3:5, 12, 21; 11:15; 12:10.

IV. Nagpakita ang hulagway ni Abigail sa magtutuong niadto ni Jesus sa gawas sa kampo, nag-antos sa Iyang pagtamay—Heb. 13:13:

- A. Duha ka aspeto ang Cristohanong kinabuhi nato—ang sulodnong aspeto ug ang dayag nga aspeto—Heb. 6:19-20; 13:13:
 1. Gihulagwayan sa Shulamitanhon ang sulodnong aspeto, ug gihulagwayan ni Abigail ang dayag nga aspeto—A. A. 6:4, 10, 13; Heb. 13:13.
 2. Sa usa ka bahin, naa ta sa sulod sa tabil, sa Dapit Labing Balaan; sa laing bahin, naa ta sa gawas sa syudad, sa kampo, atubangan sa mga tawo—Heb. 6:19-20; 13:13.
 - a. Sa sulod, nagpahimulos ta sa nabanhawng Cristo, ug sa gawas, nisunod ta ni Jesus—6:19; 13:13.
 - b. Matandog ngani nato ang Ginoo sa sulodnong lawak, sa Dapit Labing Balaan, sa sekretong dapit, ikapasama ta sa Shulamitanhon—10:19-20; A. A. 1:4; 4:10; 6:13.
 - c. Manghimatuod ngani ta alang sa Ginoo ug mobuhat alang Niya sa dayag nga pagkinabuhi nato, ikapasama ta ni Abigail nga nagsuroysuroy sa kamingawan uban ni David—1 Sam. 25:40-42.
- B. Masinati nato kining duha ka aspeto adlaw-adlaw—Heb. 6:19-20; 10:19-20; 13:13:
 1. Naa ta sulod sa tabil sama sa Shulamitanon, nagkinabuhi sa Dapit Labing Balaan ug nagpahimulos sa nabanhaw ug gihimayang Cristo, ug naa ta sa gawas sa kampo sama ni Abigail, nagkinabuhi sa kalibotan ug nisunod sa mapaubsanong Jesus—6:19-20; 13:13.
 2. Sama sa Shulamitanhon ug ni Salomon, nagpabilin ta sa mga palasyong marfil ug sulodnong nakig-ambitay sa Ginoo, ug sama ni Abigail, dayag tang nagkinabuhi ug nagbuhat sa pagsunod nato ni David sa pagpakig-away ug pag-antos—Sal. 45:8; 1 Sam. 25:40-42.
 3. Ang naa sa sulod nato mao ang nabanhawng Cristo, ug ang naa sa gawas mao si Jesus nga Nasaretnon—Bug. 1:17-18; Mat. 2:23.
 4. Sa sulod, duna tay pagpahimulos sa Shulamitanhon sa tagong dapit, ug sa gawas, duna tay dayag nga pagkinabuhi ni Abigail.
- C. Mogula ngani ang magtutuo ni Cristo gikan sa sulod sa tabil, sa sulodnong lawak sa pakig-ambitay, makalakaw siya sa dalan sa krus ug makasunod sa nag-antos nga Jesus—Heb. 6:19; 10:19-20; 13:13:
 1. Kadto rang nisulod sa tabil ang makaadto ni Jesus sa gawas sa kampo ug mag-antos sa Iyang pagtamay—6:19; 10:19-20; 13:13.
 2. Ang nabanhawng Cristo nga naa nato maoy magdala nato nga mosunod sa nag-antos nga Jesus—v. 13.
 3. Nilakaw si Ginoong Jesus sa dalan sa krus ug nisulod sa pagkabanhaw, ug karon gidala ta Niya, nga Iyang Abigail, nga molakaw sa dalan sa krus ug mosunod Niya sa gawas sa kampo, mag-antos sa Iyang pagtamay—v. 13.